

կցութիւնք, անվաւեր ամուսնութիւնք, թէպէտ և կնքեալք խաչիւ և Աւետարանաւ, թող զայլ հետեանս և դարդիւնս յուսահատութեան, որ մղէ զսիրահարս:

Միանգամ ընդ միշտ առ ի վերջ տալ այսօրինակ անախորժութեանց և դժբախտութեանց, ևս առաւել ի նկատ առեալ Մեր զհանգամանս ժամանակի գէթ յաղագս ազգիս, մանաւանդ զներող ոգին Հայաստանեայց ս. Եկեղեցւոյ, որ յամենայն նեղութեան ժամանակի զիջեալ է ինչ ինչ ներողութեամբ, Մեր որպէս Հայրապետ Հայաստանեայց ս. Եկեղեցւոյ, Հայր և պահտպան հարազատից նոյն Եկեղեցւոյ՝ զաւակաց ս. Հօրն մերոյ Լուսաւորչի, սովին կոնդակաւ առաջադրեմք Սինօզիդ պատուիրելով յետ այսու անպայման թոյլատրել յօրագիրս դորին զեօթներորդ աստիճանի ազգակցական չհասութիւնս, քանզի այսպէս է պահանջ ժամանակի:

Ի վերայ իսկականին ստորագրեալ է՝
ՄԿՐՏԻՉ Կաթողիկոս Ամենայն Հայոց.

յ17 Դեկտ. 1899 ամի

և ըստ Տոմարիս ՌՅԾ.

Ի Հայրապետութեան Մերում է. ամի

յԱրարատեան Մայր Աթոռ Ս. Էջմիածնի

Ի Վաղարշապատ.

Թ. 1490.

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍՍ-
 նելի կամօքն Աստուծոյ Եպիսկոպոսապետ և Կաթողիկոս Ամենայն Հայոց, Ծայրագոյն Պատրիարք Համագգական Նախամեծար Աթոռոյ Արարատեան Առաքելական Մայր Եկեղեցւոյ Սրբոյ Կաթողիկէ Էջմիածնի՝

ՍԷՆՕՂԻ Ս. ԷԶՄԻԱԾՆԻ.

Յայտնի է Մեզ եթէ պսակք՝ կատարեալք ի վեցերորդ աստիճանի ազգակցութեան և ի չորրորդ աստիճանի խնամութեան, անվաւերք համարին ի Սինօզէդ և պսակեալքն որպէս և պսակադիրքն յանձնին ի դատ մարմնաւոր իշխանութեան:

Ի նկատ առեալ Մեր զՍ. Գիրս (Ղևտ. 18) և զկանոնս եկեղեցւոյ սրբոյ՝ Մեր իբրև Հայրապետ Ամենայն Հայոց, այսու Կոնդակաւ Մերով կանոնադրեմք ի վարիլ Սինոդիդ յետ այսու ըստ յետագայ հրահանգաց.

Ա. Անվաւերք համարեսցին պսակք կատարեալք մինչ ցհինգերորդ աստիճան ազգակցութեան և ցշորրորդ աստիճան խնամքութեան:

Բ. Անթոյլատրելի համարեսցին պսակք հինգերորդ և վեցերորդ աստիճանաց ազգակցութեանց և չորրորդ աստիճանի խնամութեանց: Բայց ի դէպս պատահանց՝ յորժամ յայանեսցի եթէ կատարեալք են պսակք ի յիշատակեալ անթոյլատրելի աստիճանս, պսակքն համարեսցին վաւերականք, իսկ պսակադիր քահանայն և պսակեալքն ենթարկեսցին խիստ ապաշխարանաց ըստ այսմ. ա) Զրկեսցի իսպառ ի քահանայադործութենէ քահանայն՝ որ համարձակեսցի պսակ դնել ի չորրորդ աստիճանի ազգականութեան. բացառութիւնք համարեսցին պատիժք, երբ յետ խիստ քննութեան երևեսցի, զի անգիտակցաբար է կատարեալ պսակն և պսակադիրն վասն անզգուշութեանն ենթարկեսցի միամեայ ապաշխարանաց ի միում վանօրէից մերոց, սակայն յերկուս դէպս ևս 4 (գիտակցաբար և անգիտակցաբար) պսակն անվաւեր համարեսցի:

բ) Քահանայն՝ որ գիտակցաբար դնէ պսակ ի հինգերորդ աստիճանի ազգականութեան, ենթարկեսցի եռամեայ դադարման ի քահանայադործութենէ և առաքեսցի յապաշխարութիւն ի վանօրայս, ի դէպս անգիտութեան՝ վեցամեայ ապաշխարանաց: Զնոյն ապաշխարանաց կրեսցեն զպատիժ նաև պսակեալք՝ միայն ի տեղական եկեղեցւոջ վեցամեայ ժամանակաւ:

գ) Պսակադիրն վեցերորդ աստիճանի ազգականութեան ենթարկեսցի մի և կէս ամեայ ապաշխարութեան ի վանօրայս. ի դէպս անգիտութեան՝ եռամեայ ժամանակաւ. իսկ պսակեալքն նոյն չափով յեկեղեցիս իւրեանց:

եւ դ) Վասն կատարողաց զպսակս չորրորդ աստիճանի

խնամութեանց՝ ենթարկեցի ապաշխարութեան ըստ ցուցման Գ) յօդուածոյն:

Ի վերայ իսկականին ստորագրեալ է՝
ՄԿՐՏԻԶ Կարողիկոս Ամենայն Հայոց.

Ի 4 Յունուարի 1902 ամի

և ըստ Տոմարիս ՌՅՄԱ.

Ի Հայրապետութեան մերում Թ. ամի

Արարատեան Մայր Աթոռ Ս. Էջմիածնի

Ի Վաղարշապատ.

Թ. 4.



ՄԿՐՏԻԶ ԺԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀՆԱՆՆԵԼԻ ԿԱՄՕՔՆ Աստուծոյ Եպիսկոպոսապետ եւ Կաթողիկոս ամենայն Հայոց, Ծայրագոյն Պատրիարք համագգական նախամեծար Աթոռոյ Արարատեան Առաքելական Մայր Եկեղեցւոյ Սրբոյ Կաթողիկէ Էջմիածնի. Շնորհունակ Միաբանի Մայր Աթոռոյս Գալստի Տ. Մկրտչեան Հայրապետական օրհնութեամբ յայտնեմք:

Յամին 1897 Կոնդակաւ մերով նշանակեցաք խմբագիր «Արարատ» ամսաթերթի Մայր Աթոռոյս զՏ. Կարապետ վարդապետն՝ տեսուչն հոգեւոր ձեմարանիս, որ յօրէնստի ցարդ իբրեւ խմբագիր և իբրեւ գլխաւոր վարիչ կատարէ զիւրն պաշտօն: Սակայն զդացեալ Մեր զժանրութիւն պաշտաման նորա ի ձեմարանի և արտաքոյ յայլ պաշտամունս՝ Մեք բարւոք համարեցաք ազատ կացուցանել զնա ի պաշտամանէ խմբագրութեան «Արարատի»:

Եւ քանզի ի սկզբանէ ցարդ աշխատակցեալ կառնոյն ամսաթերթին գիտական, պատմական, քննադատական և այլ պիտանի և օգտակար յօդուածովք և ծանօթք են Քեզ ամենայն հանգամանք կազմութեան և պատրաստութեան թերթին, Մեք արժան համարիմք սովին Հայրապետական Կոնդակաւ կարգել զՔեզ խմբագիր «Արարատ» ամսագրոյ Մայր Աթոռոյս ի 1-էն յառաջիկայ Յունուար ամսոյ, հաւաստի դուրով միանգամայն՝ եթէ հաճելի է այն պաշտօն Քեզ և Դու՝ որպէս ցարդ իբրեւ աշխատակից նախանձաւոր